



**საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო**

**Ministry of Internally Displaced Persons from the Occupied Territories,
Labour, Health and Social Affairs of Georgia**



KA030129832916919

საქართველო, თბილისი 0119, აკ.წერეთლის გამზ.144; ტელ.: (+995 32) 251 00 11; ცხელი ხაზი: (+995 32) 251 00 26; 15 05; ელ.ფოსტა: info@moh.gov.ge
144 Ak.Tsereteli ave., 0119, Tbilisi, Georgia; Tel: (+995 32) 251 00 11; Hot line: (+995 32) 251 00 26; 15 05; E-mail: info@moh.gov.ge

№ 01/15493

03 / სექტემბერი / 2019 წ.

სსიპ სახელმწიფო ქონების ეროვნულ სააგენტოს

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ განიხილა თქვენი N4/65587 წერილი, რომელიც შეეხება 01.12.2011-03.12.2018 პერიოდში, ერთი მხრივ, საქართველოს ეკონომიკისა და მდგრადი განვითარების სამინისტროს (უფლებამონაცვლე სსიპ - სახელმწიფო ქონების ეროვნული სააგენტო (შემდგომში „სააგენტო“)), საქართველოს შრომის, ჯანმრთელობისა და სოციალური დაცვის სამინისტროს (შემდგომში „სამინისტრო“) და მეორე მხრივ, შპს „ჩემი ოჯახის კლინიკას“ (უფლებამონაცვლე სს „სამედიცინო კორპორაცია ევექსი“ 02.02.2015) (შემდგომში „მყიდველი“) შორის 2011 წლის 13 სექტემბერის ნასყიდობის ხელშეკრულებით ნაკისრი ვალდებულებების დადასტურების საკითხს.

2011 წლის 13 სექტემბერს, ერთი მხრივ საქართველოს ეკონომიკისა და მდგრადი განვითარების სამინისტროს („მყიდველი“), შრომის, ჯანმრთელობისა და სოციალური დაცვის სამინისტროს („სამინისტრო“) და მეორე მხრივ სს „ჩემი ოჯახის კლინიკას“ („მყიდველი“) შორის გაფორმდა ნასყიდობის ხელშეკრულება, რომლის თანახმად, მყიდველს სიმბოლურ ფასად (1 (ერთ) ლარად გადაეცა ხელშეკრულებით (დანართი 1) განსაზღვრული მოძრავი ქონება. ამასთან, დანართი 1.2-ით განსაზღვრული უძრავი ქონება გადაეცა 2.1. ქვეპუნქტით განსაზღვრულ ფასად და ხელშეკრულების 3.1.7 პუნქტით ნაკისრი ვალდებულებების შესრულების პირობით, რაც გულისხმობდა: „უზრუნველყოს დანართი № 5-ით გათვალისწინებული ბაზისური სამედიცინო სერვისების უწყვეტობა ტყიბულის, თერჯოლის, ხონის და წყალტუბოს მუნიციპალიტეტებში, შესაბამისი სახელმწიფო პროგრამების ფარგლებში გარდამავალი პერიოდის დასასრულიდან 7 წლის განმავლობაში და დანართი № 5-ში განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით. ამასთან, ამავე პუნქტით განსაზღვრული ვალდებულება ქ. ქუთაისში უზრუნველყოს მხოლოდ დანართი №5-ის მე-11 პუნქტის შესაბამისად.

ხელშეკრულების პირობების თანახმად, ბაზისური სერვისების შესრულების ვადა დაიწყო 2011 წლის 1 დეკემბერს.

ხელშეკრულების 4.4 პუნქტის თანახმად, „ხელშეკრულების 3.1.7 პუნქტით გათვალისწინებული ვალდებულებები შესრულებულად ითვლება „სამინისტროს“ მიერ მომზადებული დასკვნის საფუძველზე „მყიდველის“ მიერ მათი დადასტურების მომენტიდან. „სამინისტრო“ ვალდებულებების შესრულების შესახებ დასკვნას „მყიდველს“ წარუდგენს იმ შემთხვევაშიც, თუ ჯანმრთელობის დაცვის შესაბამისი სახელმწიფო პროგრამების ფარგლებში გამოვლინდა სერვისების ალტერნატიული მიმწოდებელი, ამავე მიმწოდებლის მიერ აღებული ვალდებულებების მოქმედების პერიოდის განმავლობაში“.

შპს „ჩემი ოჯახის კლინიკის“ (უფლებამონაცვლე სს „სამედიცინო კორპორაცია ევექსი“ 02.02.2015) მიერ ხელშეკრულებით ნაკისრი ვალდებულებების, კერძოდ, ბაზისური სერვისების უწყვეტობის ვალდებულების შესრულების შესახებ ინფორმაცია უკვე მოგწოდათ 2017 წლის 20 იანვრის N01/3225 წერილით, ვალდებულებების დასაწყისიდან 2016 წლის 15 სექტემბრის ჩათვლით პერიოდისთვის. ამჟამად წარმოგიდგენთ ბაზისური სერვისების უწყვეტობის ვალდებულების შესრულების შესახებ ინფორმაციას 2016 წლის 16 სექტემბრიდან 2018 წლის 3 დეკემბრის ჩათვლით.

იმისათვის, რომ ვალდებულებით განსაზღვრული სერვისების მიწოდება ჩაითვალოს შესრულებულად, სერვისის მიმწოდებელი, ხელშეკრულებით განსაზღვრული ბაზისური სერვისების წარმოების ვადის ფარგლებში, უნდა აკმაყოფილებდეს შემდეგ პირობებს:

ა) პირველ რიგში, უნდა გააჩნდეს განსაზღვრული სერვისის წარმოების უფლება, რისთვისაც, სამედიცინო საქმიანობის სპეციფიკის შესაბამისად, უნდა ჰქონდეს: ან სტაციონარული

დაწესებულების ნებართვა და თუ საჭიროა, შესაბამისი სამედიცინო საქმიანობის განხორციელებისათვის აუცილებელი სანებართვო დანართი; ან საქმიანობის ლიცენზია; ან შეტყობინება მაღალი რისკის შემცველი ამბულატორიული საქმიანობის წარმოების თაობაზე. ამასთან, გასათვალისწინებელია, რომ ბაზისური სერვისებიდან, შესაძლებელია, ზოგიერთი სერვისების წარმოება არ მოითხოვდეს ლიცენზიის/ნებართვის ან შეტყობინების არსებობას.

როდესაც ჩვენს მიერ მოწოდებულ ინფორმაციაში აღნიშნულია ლიცენზიის, სტაციონარული ნებართვისა და ნებართვის დანართის ან მაღალი რისკის ამბულატორიულ საქმიანობაზე შეტყობინების არარსებობა, ნიშნავს, რომ სერვისის მიმწოდებელს („მყიდველს“) ვალდებულების შესასრულებლად სჭირდებოდა შესაბამისი უფლების ქონა, მაგრამ სამინისტროს უფლებამოსილი უწყების მიერ მოწოდებული ინფორმაციით არ დასტურდება „მყიდველის“ მიერ შესაბამისი ბაზისური სერვისის შესრულების ის ლეგალური საფუძვლები, რაც უკავშირდება კონკრეტული ბაზისური სერვისის წარმოების უფლებას.

ბ) სერვისის მიმწოდებელი სამედიცინო დაწესებულება, შესაბამისი სახელმწიფო პროგრამების ფარგლებში, უწყვეტად უნდა ახდენდეს ბაზისური სერვისების ნუსხით გათვალისწინებულ მომსახურების მიწოდებას ხელშეკრულებაში მითითებულ მუნიციპალიტეტ(ებ)ში.

როდესაც ჩვენს საპასუხო წერილში აღნიშნულია, რომ ჯანმრთელობის დაცვის სახელმწიფო პროგრამების განმახორციელებელ უწყებებში არ ფიქსირდება ინფორმაცია სერვისის მიმწოდებლის („მყიდველი“) მიერ ბაზისური სერვისების შესრულების შესახებ საანგარიშო პერიოდში, ეს ნიშნავს, რომ სამინისტროს არ შეუძლია დაადასტუროს „მყიდველის“ მიერ შესაბამისი ბაზისური სერვისის მიწოდების ვალდებულების შესრულება აღნიშნულ პერიოდში, მიუხედავად იმისა, ფლობდა თუ არა იგი საქმიანობის წარმოების უფლებას.

ტუბერკულოზის მართვა

საქმიანობის უფლება: სსიპ სამედიცინო საქმიანობის სახელმწიფო რეგულირების სააგენტოს ინფორმაციით, სს „ჩემი ოჯახის კლინიკა“ ტყიბულში არ ფლობს შესაბამის ნებართვას ფტიზიატრიული სტაციონარული საქმიანობის განსახორციელებლად. ამბულატორიულ ფტიზიატრიულ საქმიანობაზე მან შეტყობინება გააკეთა 2013 წლის 19 ნოემბერს.

სახელმწიფო პროგრამა: შპს „ჩემი ოჯახის კლინიკა“ როგორც ტყიბულის მუნიციპალიტეტში ამბულატორიული სერვისის მიმწოდებელი ტუბერკულოზის მართვის პროგრამის ფარგლებში, რეგისტრირებულია 01.10.11წ-დან 03.02.2015-მდე. 3 თებერვლიდან უკვე სს „სამედიცინო კორპორაცია ევექსი“ აგრძელებს პროგრამაში მონაწილეობას ანგარიშგების თარიღამდე.

ინფექციური დაავადებების მკურნალობის ხელმისაწვდომობის უზრუნველყოფა

საქმიანობის უფლება: სსიპ სამედიცინო საქმიანობის სახელმწიფო რეგულირების სააგენტოში არსებული ინფორმაციით, სტაციონარული სამედიცინო დაწესებულების ნებართვის სანებართვო დანართს „ინფექციურ დაავადებთა მკურნალობა“ შპს „ჩემი ოჯახის კლინიკა“ ფლობს ტყიბულის, თერჯოლის, ხონის და წყალტუბოს მუნიციპალიტეტებში მდებარე სამედიცინო დაწესებულებებში. ამავე დროს, წყალტუბოს მუნიციპალიტეტში გაკეთებული აქვს შეტყობინება მაღალი რისკის შემცველ ამბულატორიულ საქმიანობაზე „ინფექციურ დაავადებებთან (მათ შორის, აივ ინფექციასთან/შიდსთან) დაკავშირებული საქმიანობა“.

სახელმწიფო პროგრამა: შპს „ჩემი ოჯახის კლინიკა“ ტყიბულის, თერჯოლის, ხონის და წყალტუბოს მუნიციპალიტეტებში 2017 წლის 1 მარტიდან - 2017 წლის 3 დეკემბრის ჩათვლით არ ფიქსირდება ინფექციური დაავადებების მართვის სახელმწიფო პროგრამის მიმწოდებლად, ხოლო 2018 წლის 1 იანვრიდან 2018 წლის 3 დეკემბრამდე არ მონაწილეობდა საყოველთაო ჯანდაცვის პროგრამის ინფექციური დაავადებების მართვის კომპონენტის განხორციელებაში (სტაციონარული მომსახურება).

ასევე, „ჩემი ოჯახის კლინიკა“ ტყიბულის, თერჯოლის, ხონის და წყალტუბოს მუნიციპალიტეტში 2017 წლის 1 მარტიდან 2018 წლის 3 დეკემბრამდე ვერც ამბულატორიული საქმიანობის მიმართულებით ახორციელებდა შესაბამის სერვისებს საყოველთაო ჯანდაცვის პროგრამის გეგმიურ ამბულატორიული მომსახურების კომპონენტში, რადგან აღნიშნულ პერიოდში საყოველთაო ჯანდაცვის გეგმური ამბულატორიის კომპონენტი შესაბამისი ბენეფიციარებისთვის (საქართველოს მთავრობის 2009 წლის 9 დეკემბრის N218-ე და 2012 წლის 7 მაისის N165-ე დადგენილების ყოფილი ბენეფიციარები) აღარ ითვალისწინებდა ინფექციონისტთან ვიზიტს.

პატივისცემით,

მინისტრის მოადგილე

ხელმოწერა/ 
შტამპდასმულია
ელემენტარულად

გიორგი ნონკოლაური

